

DIVÆ

CATHARINAE  
ALEXANDRINÆ

LILIA & ROSAS,

Pro LACTE & SANGVINE spargebat  
Collégium Burdegalense Societatis IESV,

*In Annum Peana & Epithalamium, manu ac stylis*

LEONARDI ALAMAI  
*Eiusdem Societatis.*



PETROCHORAE,

Apud IOANNEM DALVY, Typographum  
& Bibliopolam Regium.

---

M. DC. XXXII.

THE NATIONAL ANTHROPOLOGICAL ARCHIVES

SMITHSONIAN INSTITUTION

WASHINGTON, D. C. 20560

RECEIVED  
JAN 10 1967  
FROM THE NATIONAL ANTHROPOLOGICAL ARCHIVES

THE NATIONAL ANTHROPOLOGICAL ARCHIVES  
SMITHSONIAN INSTITUTION

33

34

THE NATIONAL ANTHROPOLOGICAL ARCHIVES  
SMITHSONIAN INSTITUTION

THE NATIONAL ANTHROPOLOGICAL ARCHIVES  
SMITHSONIAN INSTITUTION

DOMINIS SVIS

ADMODVM VERENDIS,

PATRONIS PLVRIMVM COLENDIS,

Magistris Multum Audiendis:

PATRIBUS AMPLISSIMIS

*Academia Burdegalensis, Rectori,*

*Cancellario, Uniuersisque*

*Doctoribus, S. P. D.*

ACADEMICI, CLIENTES,

Auditores Collegij Burde-


galensis Socie. IESV.



EREBANTVR hi duo  
flores ( Patres Amplif-  
simi ) rigidiorẽ celi au-  
ram experiri, nisi iam  
vestram aurem propitiã  
nacti suarum virium periculum fecissent.

## EPISTOLA.

Itaque si minus beneuolis aliorum oculis  
 videntur, statim ad aures vestras prouoca-  
 bunt. Quanquam quos probauit auris,  
 non improbabit oculus, cum magis affici-  
 ant visi, quàm auditi flores. Horum  
 qualiscumque fuit odor secundo per vos  
 rumore dissipatus, latius quàm voleba-  
 mus, emanauit, eisque quam ne vnus  
 quidem dieculæ vitam sperauerant, mul-  
 torum annorum dedit. Cælum enim &  
 solem vobis quasi susceptoribus, imò pa-  
 rentibus aspiciunt, qui sterili solo sati, &  
 hyeme nati vix se vmbra, apricòque  
 defendebant. Perficite denique, vt quo-  
 niam vestra commendatione suauius  
 fragrant, & ex areola sua in aream,  
 ex aure vestra in auram prodeunt, bene-  
 uolentia quoque vestra, & CATHARINÆ  
 lacte largius irrigati vberius fruticentur.  
 Valete.



*CATHARINA LILIATA,*  
SEV  
LILIVM VIRGINITATIS,  
ORATIO.



OLENNIS ista, multosque iam annos instituta, nec vnquam interrupta laudatio difficiles mihi dicendi, vobis audiendi partes imponeret (Rector Academiae amplissime: Cancellarie clarissime: Doctores meritissimi: Academicique Burdegalenses florentissimi: ) nisi mihi difficultatem orationis, satietatem vobis aurium eximeret argumenti veteris noua quædam & inusitata species, quæ si minus animos reficere, recreare certè oculos; si minus oblectare aures, nares suauissimo possit odore perfundere. Afferro enim vobis qui senescente pubescat, oriatur occidente, seque autumnò claudente aperiat, &

natura tota moriente viuat è terris transcriptus in  
 cælos: afferro, inquam, specie amabilem, odore  
 amœnum & colore candidum florem, qui etsi li-  
 brato tortoris ferro rapi, nunquam tamen impuro  
 carpi potuerit vngue tyranni omnium maximi,  
 nempe Maximini. Esto igitur, veteri more, institu-  
 tique laudare Catharinam decantatum sit & ve-  
 rustate iam circumscriptum argumentum: erit verò  
 nouum hoc anni tempore natiuum ac vegetum  
 florem, eumque non ex subactò quodam solo vel  
 area, sed è medio senticeto, arenaque lectum cir-  
 cumferre: erit etiam singulare hoc seculo, istaque  
 naturæ humanæ imbecillitate vnius puellæ pugnâ  
 cum tot hostibus renouare: erit denique rarum  
 ætate vernans, amore croceum, & candore virgine-  
 um lilium exhibere. Nec verò fortasse magis diui-  
 num fuit Dorotheam quas summa hyeme Theo-  
 philo rosas inter ipsam mortem ac tormenta spo-  
 ponderat, è condicto mittere, quàm me vobis Li-  
 lium Rosis affusum, hoc est, Virginitatis gloriam  
 cum Martyrij laude coniunctam polliceri, præsta-  
 re verò Catharinam. Sed quanquã vel tua illa toga  
 ( Rector Academiæ magnificentissime ) vfitatum  
 Academiæ & dignitatis huius insigne, serico quidẽ  
 texta purpureo, at papauerata etiam & mure pon-  
 tico suffulta; etsi hoc insuper anno Lilia Gallica  
 cum Rosis Anglicis fœdere vtinã felici coniuncta,  
 propemodum suaserant, vt pudoris hocce Lilium  
 cum Martyrij rosa, sicut olim certaminis & victorię,

ita iam laudis ac triumphi societate coniungerem: noluitamen candorem eum, quem Deus ipse vel miraculo distinxisset, permiscere: nolui lac illud cruore inficere, cuius latex è tam nitido ac sincero fonte dimanaret: nec dubitabam malle CATHARINAM posita dibapho, paternaque purpura, candidam Christi sponsam, Martyriique candidatam, quàm croco illustrem, & regia stirpe proleminatã videri. Abscõdat igitur hodie Dorothea suas rosas, vt promat, explicetque suum cum Maria & Gabriele Lilium Catharina; quin & patiatur inuicta pugil de Martyrio suo taceri, si suum velit pudorem atque integritatem virgo prædicari.

**E**CCELSIAM Christi sponsam longè pulcherri-  
mam quoties mihi libet animo depingere, &  
multarum eam varietate virtutum florentem  
aspicio, toties mihi videor consitam omni florum  
genere aream quandam intueri: in qua cùm pati-  
entia violas; diuinus amor amaranthos; contemp-  
tus opum calthas; species animi narcissos; vis &  
fortitudo hyacinthos, & ligustra Castitas emuletur:  
tum sanè principes illæ duæ virtutes Virginitas &  
Martyrium florum omnium longè primos atque  
nobilissimos lilia & rosas odore iuxta & colore  
quamproximè videntur imitari. Hoc verò est in  
tanta florum multitudine ac varietate mirabile,  
quòd licet inter se contendant atque discrepent  
spectabili dissimilitudine colorum; nunc enim ex

albo splendentes fulgent & candidi, modò nigrorem inducunt ex atro, mox è purpureo vibrant incendentes: iam è cæruleo cælestes, è luteo terrei, è cyaneo tristes, è verno iucundi variant & afficiunt; è diluto subinde euanidi, ex obscuro saturati, è subcineritio pallentes, ex igneo ardentes, è croceo flauui, è cyprio cærulei, ac denique è vario atque multiplici incerti & aberrantes oculis suauissimè illudunt: incredibilis est tamen in tanta perturbatione ordo: mirabilis in tanta varietate similitudo: singularis in tanta coniunctione discretio; quòd nullum errorem varietas affert, nullam perturbationem multitudo, nullam dissimilitudinè discretio; contra verò constituat varietas ipsa distinctionem, ordinem multitudo collocet, summâque comparet dissimilitudo summa coniunctionein. Neque enim purpura Martyrum candore virginum exalbescit, aut virginum candor purpura Martyrum infectus obscuratur: sed & candor ruborem incendit, & ex rubore candor elucescit; tùmque maximè distinguuntur, cum inter se maximè confunduntur, tum ardent & vibrant, cùm alij alijs obscurantur. Verum cùm ceteri flores pullulent & fruticentur in hac areola vberius, Lilia tamen & Rosas, quia & filij sanguine, & lacte matris irrigantur, effundi aspicimus, & gaudemus ea lætiùs, latiùsque admirabili quadam & diuina indole propagari.

QVAMQVAM non sunt Lilia ex ea florum sobole, quæ feliciùs in nitido quodam apricòque solo profeminentur:



profeminentur: sæpe videlicet se Lilia saltus inter  
 & vepreta trūdunt maiori copia & vbertate, quàm  
 si hominum manu fata, cultūque subacta curaren-  
 tur. Et verò Christus cūm Liliorum aliquando  
 maiestatem, & ornatus elegantiam commendare  
 apud homines voluisset, ea solū spectāda & con-  
 sideranda proposuit, quæ in agris, locisque syluest-  
 ribus sponte sua prouenirent: nec illa commenda-  
 uit, aut celebrauit, quæ cura mortalium impensior  
 curaret, corrumpere industria infania suffoca-  
 ret. Lilium ille quidem candidissimum atque pul-  
 cherrimum extitit; in sterili ac deserta nihiloscīus  
 valle natus est, inter sentes educatus, ab iisdēque  
 nouo doloris & honoris genere vbi iam adoleuerit,  
 ambiendus. Quò fit, vt nemo hinc causam huius  
 nostri floris despiciendi arripere debeat, vnde po-  
 tius eius sibi suspiciendi occasionem datam intel-  
 ligat. Fateor Catharinam in alta illa Aegypti bar-  
 barie natam, nec inficior ipsam primas in medijs  
 Ethnicismi vepretis iecisse radices: sed contendo  
 nihil omninò labis aut vitijs ex soli cæliue naturā  
 contraxisse: imò eam animi pulchritudinem adep-  
 tam esse, qua non modò Maximinus, qui nuptias ei  
 magnificas persuadere conatus est; sed Christus  
 ipse, qui eam sibi oblato sponndit annulo, cape-  
 retur. Nam quantum lilia proceritate caudicis,  
 foliorum amplitudine, maiestate verticis & coloris  
 candore reliquis præstare floribus intelliguntur,  
 tantum sine dubio Catharina omnibus eius ætatis

6 CATHARINA VIRGO ET MARTYR,  
virginibus specie vultus, nobilitate generis, scientia  
artium, magnitudine animi, mentis & corporis in-  
tegritate præcellebat. Certe Liliorum mihi pul-  
chritudinem dignitatẽque consideranti venit in  
mentem quod naturæ venator ille sagax indaga-  
torque pronunciauit, approbare, naturam cum re-  
liqua, quæ æternuntur in terris infinita, non tam fe-  
cisse, quàm fudisse videatur; verita nihilominus ne  
sibi primo conatu lilij machinatio, planè mirabilis  
& diuina succederet, experiri ante in conuoluulo  
minoris dignitatis flore voluisse, quasi aberratu-  
ra videretur, nisi aliquod summæ posuisset artis ru-  
dimentum: Ita Deo, tanquam non posset eximiũ  
& præstans Virginitatis opus ad summum vnâ ope-  
râ conatũque perducere, rationem atque exemplũ  
duabus è feminis sanè lectissimis, ex Iuditha nimi-  
rũ & Debora cælibatus & castitatis inferiorem  
statum studiosè colentibus capere placuisse, vt  
posteaquam in istis castitate deformasset eximius  
artifex, in Maria deinde Virginitate perficeret na-  
tiuæ formam integritatis: ex qua eam denique aliæ  
omnibus seculis infinitæ velut ex absoluto quodam  
exemplo propagatam arriperent atque compara-  
rent: adeò vt ex vno iam plura lilia sererentur, fœ-  
cundiũsque iam ipso matrimonio sterilis hucũsque  
virginitas salua integritate sobolesceret.

QVID Ergo mirum videri debet si tantam opus  
hoc vtrumque præstantiam consecutũ sit, vt nihil  
neque natura, neque gratia excellẽtius in terris, so-

ciatâ & quasi collatâ inter se operâ vt consilio effecerint, cùm in eo elaborando & accurando opifices illæ duæ in primis insignes quidquid vel industriæ, vel facultatis habuerunt, contulisse & cõsumpsisse quodammodo videantur. Lilia enim erecto præ alijs caule sublimia, mucronatis ad apicem interpuncto, circumque striatis latè folijs cochleato: colore verno quidem, sed è caruleo nonnihil nigricanti, erumpentibus in summo è suo calyce floribus, iisque, quâ primùm oriuntur, angustis, tum sensim & suauiter in orbem explicatis, eoque iam obducto supinatis: tribus interim quasi traducibus in medio flore malleorû instar enascentibus, triangulari è croco vertice capitatis. Sed, vt nihil dicam de odore graui profectò & amaro, quàm est ille candor eximius atque amabilis, qui neque solis ardore summo, neque imbri vilo lutulento inficiatur? cedit tamen illa species eximie tuæ Catharina pulchritudini: horum foliorum candor, eborè cygnòq; senescente candidior tui pudoris integritati: eorû succus vtrûnque albus & lactescens tuo illi lactiè collo erumpenti de præstantia & dignitate coloris concedit: vincit herbescentem illam viriditatem in doles ista tua regia & aurea, superat amœnitatem soboles hæc vernans & lata virtutum. O lilium forma specièque præstantissimum! quod vana quidem superstitio seuit, Christus in Ecclesiam transcripsit, Maximinique ense lectum, & proprio lacte irrigatum traduxit, ac collegit in cælum, vt terras

## 8 CATHARINA VIRGO ET MARTYR,

inde flagranti deinceps odore, amœnitate, pulchritudine recrearet. Erat igitur incredibili corporis specie formæque Catharina, quam si mihi deformare liceat, dicam fuisse ipsam statu corporis plusquam mediocri, erectiore tantillum fronte, nec maiori: oculis cæsijs & acribus: seuerò aliquantulum, sed nihil arroganti supercilio: naso modico & incuruo: genis clementer assurgentibus, leuiterque porrectis: breuiore ore, labijs æqualibus, dentibus candidis: vultu toto graui atque composito: pelle non cultu, sed sponte sua molli: colore albo quidem, sed leui sanguinis vt purpuræ ductu suffuso, tanquam Rosa nataret in lilio, & Virginitatem ille candor, Martyrij palmã affusus ille sanguis polliceretur. Ea enim fuit forma corporis, ea oris, & vultus dignitate Catharina, vt eam Maximinus Oriëtis Imperator de nuptijs interpellaret: ea verò animi specie atque præstâtia, vt eam sibi christus pariter sponsam præoptaret. O longè maiori ratione susceptû pro flore, quàm olim pro pomo certamé! pugnabat cum Christo Maximinus: cum clementissimo Domino impotentissimus Tyrannus: cum Deo vilis homuncio in amoris contentionem veniebat. Vicit tamen Christus ( Auditores: ) cui enim melius virgo quam virginis filio, liliû quàm rosæ, puella pulcherrima quàm hominum speciosissimo coniungi matrimonio potuisset? hoc verò superior erat Catharina lilijs quòd eorum externa sit, & foras emineat, eius interior esset, atque in re-

cessu animi posita pulchritudo. Nam si ea, quâ ipsa negligebat, forma corporis, tantâ ei apud homines benevolentiam colligebat, quantam gratiam promerebatur apud Deum species illa mentis & animi quam omni studio atque arte illa procurabat, ille adiuuabat ad æmulationem, poliebat ad ornatû, ad exemplum denique perficiebat.

FLORVM, Vbi figuram speciêmque perscripseris, pulchritudinis præterea excellētiam odor colorq; vel maximè commendant: quæ duæ res quantum hunc nostrum celebrent atque nobilitent, is ignorat solus, cui neque candor ille virgineus placere, neque virtutum odor, sanè suauissimus, probari potest. Etsi enim omni pulchritudinis ornatu lilijs superiorem esse Catharinam ostendimus, candore tamen tantò ei lilia inferiora sunt, quantò umbræ color, natiua arte factis, vera fictis antecellunt. Vnde enim, amabò, tam nitido splendentique candore lilia vibrant, nisi quia vt rosas Veneris sanguine; sic ipsa lacte Iunonis orta fruticasse poëtæ tradiderunt? Sed nihil commenti simile confingâ, si dixerò, qua nocte Catharinæ Christus in complexu sinûque matris amabili specie objectus est, aliquid ex illis vberibus papillisq; virgineis diuini roris vel sponte sua depluisse, vel aberrantis colludentisque pupuli manu expressum esse, quò hæc Aethiops assa sole lauaretur, Vacciniûmque istud Ligustro, aut Rosa Lilio mirabili planè commercio mutaretur. Catharinâ quidem, cum primum in eius conf-

pectum colloquiúmque venisset, candidulus ille  
 lautulusque pusio respuebat, infectúmque non tam  
 aliqua sorde vultum, quàm imbutam peccati labe  
 mentem deprecabatur: sed posteaquam expressis  
 terriculi & monstri huius horrore lacrymis puer,  
 & lacte pressis mater ipsa mammis, hic sponsam, il-  
 la nurum irrigasset, in eo se tantopere candore  
 lacteo amabat ille rubicundus, vt apud eum reliqui  
 præ lilio flores, & alij præ candido colores iacerent,  
 atque vilescerent: sed nulla re magis se lilium Ca-  
 tharina probauit, quàm cùm nullo ardore libidinis  
 se passa est infici: quàm cùm nullum ex his quas ha-  
 bebat ipsa magnas, maiorésque tyrannus offerebat  
 opes, puluerem lutúmque cōtraxit; cùm alij è mul-  
 tis flores vel ætatis vi æstúque concidant, vel imbri-  
 um & venti tempestate abjecti in terram natiuum  
 cum vita colorem, & simul odoré amittant. Aetas,  
 forma, opes, nobilitas Catharinam ad voluptates  
 inuitabant: minis in eam Maximinus detonabat: in  
 imbecille corpusculum grando frequēs ac procel-  
 la verberum depluebat: sed nihil horum aut huius  
 lilij odorem dissipabat, aut candorem leuiter infi-  
 ciebat: nam & ille virtutum cælestis odor inter ip-  
 sos ventos atque imbres ex hoc præstanti myrothe-  
 cio arculáque regnabat, & candor ille virgineus  
 impuro licet quodam stygis afflatus halitu, tanquã  
 in consita aliqua lilijs areola, vim suam ac pulchri-  
 tudinem obtinebat. Atque hunc Virginei pudoris  
 candorem, quia omni vita sponso suo amantissimo

sponsa dilectissima integrum semper illasumque  
 conseruarat, ipse tam multis eum, tamque insigni-  
 bus ad memoriam monumentis testatum esse vo-  
 luit, ut nihil magis esset pudore Catharinę celebra-  
 tum. Minister victus aliquis fuit diligendus, qui  
 Catharinę longa in carcere inedia enectę cibum  
 de calo afferret? non corui, sed columbę delectus  
 est factus, qui ad illam columbulam commearet.  
 Conuehendum fuit in montem Synai spoliatum  
 vita tormentorū acerbitate corpusculum? quibus,  
 quaso, pretiosa illa vectura commissa est? puris ab-  
 omni labe mentibus, Auditores, videlicet Angelis,  
 qui, quoniam contagione carent peccati, integriq;  
 mente sunt, hoc ipsi soli liliū attrectare manibus,  
 atque humeris portare debuerunt. Truncato demū  
 capite cruorem expectatis ē vulnere sequuturum?  
 horum profecto liliorum candorē ignoratis: can-  
 didum erat istud, non cruentum; ideoque lac, non  
 cruorem dedit. O liliū alijs hoc ipso quoque can-  
 didius, quod ista secta aqueo humore pluant, istud  
 amputatum lacteo tractu fluat! ō exemplū à Pau-  
 lo vsque non repetitum! volebat nimirum quos  
 christo catharina pepererat, lacte suo moriens irri-  
 gare, & ad gloriam simul fortitudinis patientię sue  
 laude excitare illos, quos licet properata & recens  
 ad Christi fidem accessio relinquebat infantulos,  
 tantę tamen virtutis ac roboris imitatio factura  
 erat momento temporis viros. Pariat commentiti-  
 us ille Iupiter capite fictam pariter inermemque

Mineruam: sed tu Catharina, vera nostra Pallas & Minerva, si minus capite, ut ista, parta es, capite tamen colloque peperisti. Lactent mammis illæ, quæ profligato pudore homines hominibus pariunt; sed capite lactet, collo alat Catharina, quæ saluâ Virginitate peperit, & peperit Deo. Lac ergo profudit, & ad æmulationem cælestis lacteam in terra viam perenni candidoque tractu consignauit. O beata terra! o vestes pannique pretiosi, qui hoc non croco ac muricæ, sed cruore & lacte purissimo estis, saturati! O Fœcunda deinceps Alexandria, hocque Virginis lacte, quàm Nililatiæ felicius oblimanda! Nam si copiosè profuso cruore Martyrum vberem aliquando Christianorû messem non modò portendit, sed etiam proximam ac præsentem ostendit, quid ni lac quoque Virginis infinitam nobis copiam, & sobolem Virginum immensam polliceatur atque profeminet?

Sed quis tibi tunc erat Tyranne sensus, cùm lacticem illum beatum perpetuo felicique fonte manantem aspiciebas? Vox tibi, opinor, non modò, hærebatur, sed cogitatio ipsa consistebat: lac, credo, æversabare, qui cruore libentiùs pascere: daret etiam tibi Catharina quem tantopere sitis sanguinem, nisi tu iam totum repetitis instauratisque tormentis exhaustisses. Dedit tamen, dedit: imò quidquid erat reliquum humoris in corpore profudit, lac profudit, inquam, aut quia tibi hoc officio interuolebat esse, qui ei tyrânus extitisses: aut quia  
te pu-



te putabat ad hominem, quem dimisisse videbaris, feminæ conspectolacte rediturum. Ego verò sic existimo (Auditores) Catharinam ideo lac dedisse, ut se, quam omnes virum esse crediderant, feminam comprobaret. Quis enim te, pugil inuicta, qui tot certaminum, tot hostium pugnas, palmas, victoriâsque spectaret, feminam putaret, nisi à te lac fustum videret? hoc lirinum illud erat oleum, quod tantæ virtutis esse perhibetur; quòque non solum alunos illos tuos, quinquaginta dico Philosophos: illos, inquam, scientiarum omnium officinas, & orbis vniuersi Magistros, quos ad rogi & flammâs alacres exultantésque misisti, ad extremam luctam & certamen inungere: sed etiam ipsi Maximo vitam & salutem asferre potuisses. Quid ergò mirum fuit Catharinâ, quam hætenus non minus virtute, quàm candore lilium esse demonstrauimus, lactis, lirini nempe huius olei riuis emicatim vberitque scaturire?

VERVM iam mihi colligenda est oratio, quæ ut oculorum acies albedine, ita nimio lilij huius candore videtur esse dissipata. Volo vos deinceps à lacte depellere (Auditores) & quasi robore atque ætate firmissimos orationis, ut cibi firmitate quadam corroborare. Commodè igitur, opportunèque cecidit, ut mihi hac extrema parte de odore lilij, qui amarus est atque acerbus, dicendum esset: faciam enim quod nutrices solent, cum à mammis volunt alumnos suos auellere, lirini huius olei, id-

14 CATHARINA VIRGO ET MARTYR,  
est lactis, dulcedinem, eiusdem odore acri & aspe-  
ro exacerbabo, & superioris orationis pulegium ru-  
ta sequuturæ dictionis aspergam.

Non posset omninò castitas, non posset Virgi-  
nitas, quam Lirino candori dulcedinîque compa-  
raui, firmo satis se præsidio aduersus tot impetus ex-  
ternos atque domesticos admœnire, nisi natura,  
quæ rem nullam iniuriæ opportunam reliquisset,  
multis eam asperitatibus difficultatibusque septam  
esse voluisset. Rosa qua nihil est dulcius, adnatis ad  
caulem vepribus se tuetur: apes mellis artifices ex-  
ertis sese aculeis defendunt: frumenti grana vallo  
muniuntur aristarum; cur ergo Virginitas primæ  
suauitatis dignitatîsque flos sibi non obmoliatur  
& obstruat? Virgines apes sunt, camporum lilia,  
Christi grana; proinde suos habent aculeos, suos  
fentes, odorîsque graueolentiam. Nam quàm faci-  
lè barbatuli isti & examussitati adölescentes, Vene-  
ris emissarij, pudicitia hostes, prædones castitatis,  
Virginitatis pestes, his lilijs tanquam muscæ quædã  
importunæ atque veneficæ insiderent, nisi longè  
gentium illa odoris asperitate abigerentur: tinnirêt,  
obstreperent, hærerêt, inficerent suo halitu specta-  
bilem horum liliorû candorem, penitusque cor-  
rumperent immortalem alioqui corporis integri-  
tatem, nisi hoc odore vt myrrha aliqua saluari  
condiretur.

SED quis in Virgine tam grauis potest odor esse?  
volo Virginis vultum seuerum esse, aspectum

acrem, castigatam frontem : volo ingressum gra-  
uem atque certum: volo rarum cum viris, sobrium  
neque præcipitem cum alijs, cum nemine affecta-  
tum, quæsitumque sermonem: volo ad eam aditus  
esse difficiles: volo in vulgus ignotam, volo domi  
sessitantem: volo labore sumptus suos exercentem.  
Hæc est illa naturæ quasi sylvestris asperitas, hic  
ille grauis odor, quem eiusmodi floribus ad paratâ  
certamque defensionem eorum candoris & inte-  
gritatis, aspergendum puto: satis videlicet puella-  
rum vultibus natura suauitatis affudit; nec ea fuerat  
tantis artis lenocinijs adiuuanda: subacta vultu to-  
to pellis, suauitas coloris, oculorum illecebræ in-  
tegrum quæmque per se corrumpere potuissent,  
etiam si nullæ aliunde corruptelæ affuissent: iam  
verò cum adeò projecta sit huius quoque sexus li-  
bido, cui valida ad eam inhibendam claustra pudor  
apposuisse videbatur, quem non istæ Phædræ Hip-  
polytum expugnarent? quem non istæ Helenæ Pa-  
ridem toto ad se mari volitare cogerent? quem  
non istæ Medæ Iasonem fascinarent? At, quam  
acerbum est istud vitæ genus publico carcere: Ado-  
lescentiorum familiaritates, congressumque vitare:  
vmbis oculj; & aliquid artis puellas nobiles atq;  
nubiles ætate ac forma integras exercere? At quâ-  
tò hoc acerbius est, magisque à comuni vita re-  
motum, florem ætatis, lilium pudicitiae, hominum  
petulcorum, imò porcorum libidini sternendum,  
proterendum, & prouoluendum obijcere? Virgi-

16 CATHARINA VIRGO ET MARTYR,  
nes ex omni Dearum turba duas poetæ celebrarūt,  
Dianam & Palladem: sed ista literis & lanificio  
vacabat; illa homines fugitans se abdebat in sylvas  
& saltus venando peragrabat.

QVÆ cū ita sint, videtis, Adolescentes, quā  
multis periculis expositus sit ille Liliorum castita-  
tisque candor, quem odoris illius acerbitas non tu-  
etur: videtis, inquam, florem illum pudicitiae non  
posse vllō alio praesidio tutum esse, nisi morum  
vitæque asperitate quadam muniatur: nunquam  
enim cum Franciscus, nunquam Bernardus, nun-  
quam Benedictus, absque pungentium spinarum &  
vrentis niuis acerbitate conseruassent. Exerite igi-  
tur aduersus vos, exerite aduersus alios huius virtu-  
tis hostes aculeos, vt caro ista titillans ac lasciuiens,  
quæ potius vngi, quā pungi vult, coerceatur: vt  
erucæ istæ, pestilentēsque vermiculi horum Lilio-  
rum attactu, hac aspersa acerbitate arceantur; ma-  
gis enim ad vos, qui estis corpore, animoque fir-  
miores, quā ad puellas vtrāque hac parte imbe-  
cilles, virtutis huius fama pertinet: quoniam non  
minùs vos optat artium suarū Catharina æmulos,  
quā suæ pudicitiae imitatores.

DIXI.



# CATHARINA

## PURPURATA,

SEV

MARTYRII ROSA.

### CARMEN REGIUM.

**H**IC ego te hyberni qua iam sub syderis ortum  
 Nata viam Rosa sanguinea per nubila signas,  
 Aspiciam, sed adhuc tortoris ab ense rubentē,  
 Qualis es, aspergāque recenti hac vulnera lacte.  
 Quaquam quis te ullo violat am vulnere credat,  
 Imposito cum nullus eat de vulnere sanguis?  
 Vulnus habet Catharina; sed hoc de vulnere sanguis  
 Nullus igit: vel si quis igit, mutare colorem  
 Ambit, & nunc manavit plurimus amne.  
 Nunc quia se accingit pugna Catharina cruenta,  
 Purpureum iuvat albenti mutare colorem.  
 Hic igitur riuos ne quare, Tyranno, cruoris  
 Lacteus in florem candentem hic constitit humor  
 Quantum erat: versā primum servare colorem  
 Ambierat formā. Nec enim, Narcisse, volebat

## 18 CATHARINA VIRGO ET MARTYR,

*Tecum purpureus; nec rubro flammeus igne  
Qualis es, affectâsque, ardens Amaranthe, videri:  
Candidulo candens gaudebat virgo colore,  
Ecce, sed in pretio, qua nunc iacet, altera palma  
Mox erit, & geminum pugna eriget una trophaum:  
Nam cum lacte cruor fluet uno vulnere. Verum*

*Purpureum iuuat albenti mutare colorem.  
Non aliter nitidis Cygni mage candida pennis  
Lana recens Tyrio paulatim se inficit ostro,  
Purpureumque bibit posito candore colorem:  
Sic ferrugineo pallens à fursure terra  
Massa grauis, rapido succensi ardore camini;  
Solvitur illa quidem, at post indurescit eundo  
Ignea, tundentisque riget sub verbere fabri.  
Non secus ac undis, & vortice gurgitis haustum  
Splendet ebur, primum inducens pallore ruborem:  
Candida sic atro variant quia lilia tabo,*

*Purpureum iuuat albenti mutare colorem.  
Purpureis cana ergò Rosis se lilia miscent:  
Sed castis & casta Rosis se lilia miscent.  
Quippe nec ista tuo, Venus, est Rosa tincta cruore:  
Iuno, nec ista tuo creuerunt lilia lacte.  
Vulnera Cypri tua hinc procul: hinc procul ubera Iuno:  
Vbera nostra alios pariunt & vulnera flores.  
Hinc flammâ Venus ergò tuam: hinc Saturnia māmā:  
Imbres hic vestros flos respuit atque colores?  
Virginēa innocuo rorantur lilia lacte,  
Integrôque rubet Rosa casta infecta pudore.*

*Purpureum iuuat albenti mutare colorem.*

*Falleris, alba tenent candorem lilia primum:*

*Nolo Rosam niueis ardentem ambire ligustris,*

*Nolo Rosa niuea ardenti miscere ligustra:*

*Alba iuuant, oculos urant ignita retusos,*

*Albentem nocet ardenti mutare colorem.*

*Siste tuos, vel rare veni de vulnere, riuos,*

*Siste cruor, totóque fluat lac amne, canali.*

*Non bene eunt lactis, nec vena cruoris eodem.*

*Quin fluat, alueolóque ruat dimissus aperto*

*Sanguis, & ardenti incendat lac omne rubore.*

*Albentem iuuat ardenti mutare colorem.*

*At nil tale refert cano qui vertice flores*

*Longè alios & caule supra flos eminet omnes.*

*Námque supersusum niue, candentique putare s*

*Aut ebore illusum, aut incundi aspergine lactis:*

*Hunc & caulis, apéxque sua sub mole laborans*

*Stratum affligat humi nisi fulciat, & simul omne*

*Excipiat pondus cubitali corpore caulis,*

*Quem folia extrema infensis mucronibus armant:*

*Verna quidem, at summi tamen est coma cādida floris.*

*Sed quia flauus apex folia inter candida fulget,*

*Candentem iuuat ardenti mutare colorem.*

*Huc satis usque oculos tenuerunt lilia nostros,*

*Lac volo virgineum Roseo violare pudore;*

*Alba placet mutare Rosis mihi Lilia rubris:*

*Lilia iámque Rose, atque Rosa iam Lilia fiant.*

*Lilia candentem referunt candore pudorem.*

*Æmula sydereos ostro rosa suscitatur ignes:*

*Sic candore rubor pallebis, & usque cornusco*

20 CATHARINA VIRGO ET MARTYR,  
*Ardebis candens nitor inflammate rubore.  
Casta suum interea candorem Lilia seruent,  
Dum vincat Rosa purpureo suffusa pudore.*

*Ardentem ituat albenti mutare colorem.*

*Maiestate Rosas & corpore Lilia vinct:*

*Esto colore, suo Rosa Lilia vincit odore.*

*Me iuuat ille quidem foliorum argenteus ordo,*

*Ille supinatus lato placet ambitus orbe:*

*Quaque velut sepem nudo circundare cauli*

*Spina frequens voluisset, acumine sauit acerbo.*

*Ille simul summo de flore triangulus exit*

*Qui triplex croceoque auratus vertice clauus,*

*Quam benè suffuso argentum succendit ab auro,*

*Quàm melius iunctum argento discriminat aurum,*

*Album purpureus quoniam emicat ante colorē.*

*Mole Rosa inferior sola, forma anteit; & cum*

*Lilia desipiunt, & suavis acescit Acanthus,*

*Verna tibi Rosa diuinos aspirat odores.*

*Quin etiam ante alios mira præstabilis arte*

*Densior est folijs, & flore frèquentior ipso,*

*Arboris instar agens ramosum ad sydera truncum*

*Falce coërcendum, & qui se radicibus altis*

*Explicet, & circum sente horreat asper acuto.*

*Flos calyce ut calathò se se exerit, & cochleatis*

*Ordinibus foliorum amplo se circinat orbe,*

*Purpureumque ambit cano mutare colorem.*

*Vere Rosæ Zephyri fœtam genitalis ad auram*

*Exultant laxare sinus, & rumpere vernas*

*Qua florem obducunt, iam iamque morantur euntes,*

*Herentes*



*Haerentes circum tunicas: sed frigora stringunt,  
Et saepe affligunt pluuijs venientibus Austri.  
Flamina nil calis, ista soli nil flumina curat:  
Flumina nil illam, illam etiam nil fulmina ladunt:  
Illa nec excutit, neque torrent ista: calores  
Hæc Rosa per medios, media inter frigora spirat;  
Natiuumque tenet secto iam caule vigorem;  
Nec lydo hesperium vertit mutata colorem.  
Alcyonem prima parientem ad frigora bruma  
Miramur, nidumque alto suspendere fluctu,  
Cum tacitas alia latebras, & operta locorum  
Obseruent inter saltus & saxa volucres;  
Quò pradas hominum auertant, calique ruinas.  
Sic mare feruentes aestu cum torquet arenas,  
Attollitque vadis pretiosi spumat odoris  
Ambar, arenosoque procul sub littore sistit:  
Non aliter Catharina autumnio nata cadente,  
Bruma auram, spernisque tuos, o Maxime, ventos;  
Purpureumque albo mutat rubicunda colorem.  
Salve igitur Rosa purpureo saturata rubore:  
Tu, licet amisso tellus lugubris amictu  
Imbribus hybernis eluxerit, & grauis Auster  
Arboribusque comas, flores & ademerit hortis,  
Dura nec immitis sensisti frigora lethi;  
Nec te armata trucidis violauit dextra Tyranni:  
Sed te, casta pudor qua Lilia porrigit albus,  
Eximio illase pro virginis amoris,  
Inuiolata manent: manet altera palma, pacisci  
Pro qua crudeli voluisti morte; ruborem*

22 CATHARINA VIRGO ET MARTYR,  
Candori vt miscere, Rosis & Lilia posses.



# LILII ET ROSAE

SEV

VIRGINITATIS ET MARTYRII

CONNUBIVM.

ELEGIA.

**I**AM *Martyr Catharina Rosas, iam Lilia Virgo*  
*Seminat, & flores falx metit una duos.*  
*Lilia sanguineus quanquam qui demetit ensis*  
*Non ferit; utquo serat, non tamen ipsa legit.*  
*Sed ferit ille Rosas, quas roscidus irriget ather,*  
*Et Deus aternos colligat in calathos.*  
*Tolle manum tortor, tibi nil hoc concidet ictu,*  
*Excipient caro quod cadet astra sinu.*  
*Aut si quid caderet, duo casus tolleret vnus;*  
*Lilia, vernantes erigeretque Rosas.*  
*Isto nil etiam de vulnere sanguinis ibit,*  
*Præruptus vitæ stabit exunte latex.*  
*Quin si quis flueret, liquor hic aut candidus esset;*  
*Aut ageret Roseas lacte rubente notas,*  
*Lilia candenti sic candida lacte natarent:*  
*Sic rubeo arderet mersa cruore Rosa.*  
*Nam simul ut missus cernicem deiecit ensis,*

D 2

24 CATHARINA VIRGO ET MARTYR,

*Infecta duplex flos tibi surgit hamo:*

*Sed quos ense secat, non separat ense satelles,*

*Lilia odoratis iungit at alba Rosis.*

*Ponite iam veteres hortorum lumina rixas;*

*Vos inimica ligat, stringit amica manus.*

*Nunc quoniam plagâ fluit & lac, & cruor unâ,*

*Non pugnant rubris Lilia cana Rosis.*

*Imò quandoquidem Catharina est funere Martyr*

*Vno facta, unâ Virgoque facta nece;*

*Martyrium eximio cum Virginitatis honore*

*Quid vetat aeterno iungere connubio?*

*Ipsa suas flammâs prodit Rosa, Lilia produnt;*

*Lilia quo pallent, ardet amore Rosa.*

*Ergo duos uno tandem sociemus amantes*

*Fœdere, vincla ferent Lilia, vincla Rose.*

*Lilia amant, Rosa amant, odor est diuersus utrisque;*

*Dissimilisque color, dissimilisque calor.*

*Suavis odore Rosa est, ut amaro Lilia odore:*

*Lilia aqua frigent, sed Rosa ab igne calet.*

*Non benè conueniat Rosa Lilio, amœtque colore*

*Disparem, Achamenio nec sibi odore parem.*

*Fallere, si similem sponse vis esse maritum:*

*Vt benè sint similes, elige dissimiles.*

*Pugnarent etiam frigentibus ignea, ut ignis*

*Illa fouent venas, frigoris ista fouet.*

*Lilia pallefcunt, multo Rosa tingitur ostro,*

*Coniugis hic nitor est, sed color iste viri.*


*Lilij odor grauis est, Rosa suauem exhalat odorem:*

*Ille puellaris, iste virilis odor.*

*Pallida iuncta Rosis ignescunt Lilia rubris;  
Albescentque rubra Lilij amore Rosa.  
Naturam ipsa viri morésque puella, puella  
Vir sic ipse ferox temperat ingenium.  
Ut benè conueniat, malè conuenit inter utrúmque:  
Dissimilis color est, ut sit odor similis.  
Quin variant & odore simul, variéntque colore:  
Vna duos vno iunget amore fides.  
Est sua utrique tamen, sed nulla imitabilis arte  
Forma, equet magni qua Salomonis opes:  
Ille licet niteat gemmis Orientis & auro,  
Fragret odorato Cedrinus igne focus:  
Natio Rosa quæsitos hac vincit odores:  
Hac magis externa Lilia veste nitent.  
Lilia mollia sunt, Rosa mascula: quippe cruorem  
Dat Rosa, candenti Lilia lacte fluunt.  
Lilia sunt flores, flos est Rosa: Lilia cani,  
Sed Rosa purpurei signa pudoris habet.  
Lilia valle latent, Rosa aprico clauditur horto:  
Lilia aculeolis, se Rosa sente tegit.  
Lilium amore Rosa benè iam quadrat: ipsaque amanti  
Lilio amans benè iam quadrat amore Rosa.  
Queris forte Rosa quam dicant Lilia dotem?  
Dos erit aurato semine flauus apex.  
At si casta Rosis coniungis Lilia, lapsos  
Hac tibi fax nulla prole propagat auos.  
O quantos Catharina potes, quot inire nepotes,  
Quos niueo nutris lacte, cruore paris!  
Lacte paris, tibi virginitas fecunda triumphos*

Hos peperit, tales parturiuntque Rosas.  
 Lacte suo fiant alia & de semine matres,  
 Tu Catharina tuo es facta cruore parens.  
 Ex homine illa homines pariunt, at Virgine Virgo  
 Facta, parit solum, cum parit ipsa, Deum.  
 Ergo parit, Christoque parit Catharina marito;  
 Iamque dedit partus plurima signa sui.  
 Aspicias ut niueo turgescant nectare mamme,  
 Frenatoque cruor flumine sistat iter?  
 Aspicias ut partus vicinam nuntiet horam  
 Sana ciens toto tormina ventre dolor?  
 Nam quo Virgo iaces, quo sacra puerpera lecto?  
 Armata pendes axe secunda rota!  
 Rumpe moras, interque minas & fulgura fortis  
 Partu vno foetus hos pare Cerva duos.  
 Rumpe moras, Martyrque Rosas, pare Lilia Virgo:  
 Lilia sponsa, rubras sparge marite Rosas.  
 Iam peperit Martyr, venis cruor omnibus iuit:  
 Quod superest, sponso nunc pare Virgo tuo.  
 Da lactis, quando riuos dedit ille cruoris;  
 Et tibi iungendis Lilia iunge Rosas.  
 Tum sic ille: mihi tu lactis sponsa, vicissim  
 Sponsus, ei dices, tu mihi sanguinis es.  
 Turgidula gestit tandem prorumpere mamma,  
 Sed maior querit lacteus humor iter,  
 Plaga potest istos ingens emittere fontes,  
 Non capit angustus flumina tanta latex.  
 Perge, viam lacti fac nunc, velut ante cruori,  
 Impia sis quamuis, officiosa manus.

*Paret, & it sectis praeptus faucibus amnis,  
Iamque rubris albas miscet amicus aquas.  
Felix connubium, & geminata prole beatum,  
Sine Rosas fundit, Lilia sine parit.*







FONTES  
LACTIS & SANGVINIS  
EX ROSA & LILIO  
EMICATIM,

certatimque scaturientes.

ODE.

SCYPHIS huc ades aureis  
Tori, pupureâ tibi  
Seu potare Rosâ placet,  
Rosâ sine cubare.

Plenâ sparsa manu Rosa  
In mollem extruitur torum:  
Et calcata pede integros  
Eliquatur in amnes.

D

29 CATHARINA VIRGO ET MARTYR,

*Ades quisquis amabilis  
Succos ducere nectaris,  
Et lato ambrosia sitim  
Quæris mergere riuo.*

*Ecce marmoreo latex  
Salis lacteus atuea:  
Ecce Lilia candido  
Fluunt candida fonte.*

*Cadit quo rosa acinace,  
Hoc & Lilia concidunt:  
Plagâ; quod magis est, fluunt  
Lac & sanguis eâdem.*

*Nam quo vulnere Martyrem,  
Hoc & vulnere Virginem,  
Quanquam sis manus impia,  
Fortunata coronas.*

*Martyr inter equuleos,*

Nec non inter aculeos  
Uibicum, violauerat  
Rubro membra cruore.

Sic se virgo puerperam  
Probabit, modo purpuram  
Inducant morientia  
Albo colla colore.

Hoc ergò geminus fuit  
Iam de fonte latex; viam  
Et sibi facit iniuriam  
Totis lacteus armis.

O castus liquor! ô nōdo  
Lactis vena fluens modo!  
O argenteus aureis  
Riuus pulchrior undis!

Nam quis hic liquor, aut color;  
Lac pro sanguine candidum

31 CATHARINA VIRGO ET MARTYR,  
Non hîc, vt solet, vberè,  
At de vulnere manat.

Hîc nouus liquor, hîc color  
Nouus: sed simul & nouo  
Prorumpit color aluco,  
Collo fusus ab ipso.

Riuus ite perennibus,  
Ite colla: sed interim,  
Plena lacte licet, sacra  
Exarescite mamma.

Quos cruore tenellulos  
Virgo lactat alumnulos,  
Lacti debuit inuio  
Irrigare canali.

Quin & lac eat, & cruor:  
Sed venis cruor omnibus;  
Siccis vberibus fluat

*Nec lac sanguine se rubro  
Licet lucidius Cygno,  
Licet candidius nive,  
Permiscere recuset.*

*Nec sese fugiat cruor,  
Licet splendidior Rosa,  
Purpurâque nitentior.  
Albo iungere lacti.*

*Tenebitque suum cruor;  
Tenebit quoque lac suum  
Colorem; neque lac cruor  
Vertet, lacne cruorem.*

*Sic Alphæus ad Elidem  
Iungit se Siculo mari;  
Nec dulces tamen asperis  
Mutat fluctibus undas.*

33 CATHARINA VIRGO ET MARTYR,

*Sic dum se Rosa Lilys,*

*Sic dum Lilia se Rosa,*

*Permiscet, Rosa subrabet,*

*Alba Lilia candent.*

*Lac & sanguis origine*

*Ergo nunc gemina fluant:*

*Fluant & sintul vnica;*

*Lac albâ, cruor atrâ.*

*Canali neque candido*

*Albescet cruor; aut rubro*

*Quamuis lac fluat alueo,*

*Lac quandoque rubescet.*

*Tu cruor plue, lac flue:*

*Nec cessate quod intimis*

*Humoris later osibus,*

*Huc expromere totum.*

*Martyr purpureâ aquâ*

*Agar, Virgóque lacteas,  
Placet purpureus mihi:  
Placet lacteus humor.*





EIVSDEM DIVÆ  
VIRGINIS  
ET  
MARTYRIS

PUGNAM ET VICTORIAM  
SOLENNI PRÆCONIO

COMMENDAT

EADĒM MANU, SED ALIO STYLO

*IDEM ENCOMIASTES.*

THE  
NATIONAL  
BANK  
OF  
THE  
UNITED STATES  
OF AMERICA  
INCORPORATED  
IN THE DISTRICT OF COLUMBIA  
WASHINGTON, D. C.  
1900

3

ALMAE  
VIBISCORVM  
ACADEMIAE

S. P. D.

*Inuictæ pugilis præcones.*



O DEM ad vos hoc anno deductore Catharina procedit ( Sacri sapientiæ Antistites ) non eodem tamen quo superiore pompa, apparatu. Triumphatura enim iam laurum ambit & lauream, quæ flores hætenus acceperat, imò dederat, & laureola contenta erat. Crevit nimirum illi vestro favore animus, & ex areola descendere audet in arenam; sèque ex

horto in campum infert, nunc quidem  
etiam VIRGO, sed hoc amplius in posterū  
VIRAGO. Liliū illud quod hyemis  
metu sinum vestrum appetebat, ad frigi-  
dum deinceps Iouem adolescit: hac Rosa,  
quæ vel vngue carpi metuebat, ferrum  
intrepida recipit, agitque tutius inter ro-  
tas, quàm olim inter spinas. Sexum id-  
circo Catharina non mutauit, sed ipsum  
virili duntaxat gloria exornauit, cū  
facta est de femina. Philosophus, de pu-  
ella pugil, de tirone Imperator. Prouo-  
cat enim, pugnat, expugnat, triumphat.  
Armorū sonum, bellī nomen non susti-  
netis, VIRI LITERATI? quam fecit Ca-  
tharina pugnam, nos tantūm adumbra-  
mus. Extra ictum estis, extrāque aspectū:  
accipite saltem auribus. & animis, quod  
puella corpore non trepidauit excipere.  
Nos interim abiectis delicata dictionis

*flosculis & mulso, ne factis Virginis dis-*  
*sensiat oratio praconis, dum illa ferrum*  
*nos acuumus stylum; triumphum Deus*  
*apparat, vos plausum. VALETE.*



# CATHARINA

VINCIT

SINE CASTRIS

*Imperatorem.*

ORATIO.



O V A pugna, inusitata victoria,  
& hoc ipso spectabilis, quia in-  
expectatus triumphus; spectato-  
res dicam, an auditores, decer-  
nite Academicali decreto  
( Rector Academiæ trabeate:  
Præposite figillis lemniscate:

Doctores emeriti: Magistri laureati: Adolescen-  
tes candidati. ) Nam etsi iubeor orare de pulpito  
victtricem potius in toga Athletam proclamaturus,  
quàm succinctam sago Amazonem in aciem pro-  
lueturus; inde theatrum ornare sententia est, &  
quieta atque pacata rostra reboanti caueâ, for-  
imque arenâ commutare: quandoquidem non  
mihi hodie concionem dari postulo ad aus-  
cultandum, quàm ad spectandû coronam. Emit-  
tite enim vobis hoc spectaculo pugilem in are-  
m, vt eam nomine cum hominibus, re autem  
râ cum feris, brutisque committam. Nolo

plura proludere, ne quod ad agendum Catharine,  
 vobis ad spectandum, ad plaudendum calitibus  
 spatium datum est, ego inepte dicendo consumam.  
 Ecce iam nullo ante misto expectatōque Catha-  
 rina feciali; simul infert atque denūciat bellum;  
 armatōque inermis ipsa cōsgreditur: imperato-  
 rem in castris, superstitionem oppugnat in fanis;  
 in quo est pugnae nouitas: vni cōgressa vincit in-  
 numeros; in quo victoriae consistit insolentia: sibi  
 denique cogit quos vicit inuitos, vltroneos ap-  
 plaudere: quem quō minus expectes, eō spectes  
 certē cupidius triumphum. Prouocat igitur verbo,  
 à quo ferro se transuerberandam non ignorat.  
 Quid tot inquit, mortales, quos te per Iouem sos-  
 pitem seruare decebat imperator, ad exitium vo-  
 cas? Deos, scilicet, orbi proponis, qui ne homi-  
 nes quidem aliquando fuerunt: vel si qui fuerunt,  
 vt ab eis acta inter mortales vita coarguit, eosta-  
 men vitam mors consecuta catalogo expungit  
 immortalium: Iis nempe toto armentorum san-  
 guine, atque adeò gentium tributis litas. Maius,  
 opinor, beneficium exanguibus his stipitibus, co-  
 lumnisque commodas, si vita ipsos qualicūque  
 impertire possis, quàm si viuīs eorum causa adimis.  
 Frustra Populi Romani vectigalia, frustra viginti  
 legionum stipendia impendis incendendis ad eorū  
 aras odoribus, quos si sentire possent, sanē refuge-  
 rent. Ego verò, ne quid dissimulem, hæc Deorum  
 vera nomina, quàm falsa numina religiosius  
 flam-



flamma, quàm fumo expiarem: obscuri sua ipsi sponte sunt, quid eos etiam tam pretioso suffitu inobscurare pergis, qui ad viliores sui flammam plus inclarescerent? utinam & mihi liceat hunc ignem, Maximine, meo ipsius incendio inflàmare, dummodò quidquid est inanium Deorum ubiuis vnà mecum Alexandria conflagraret. Sed vide quanti ego æstimem tot animantium sanguinem, cuius audio copia Aegyptum vniuersam ad Nili æmulationem, ad ruborem tuum restagnare; quæcum ambiam meo ipsa cruore inhibere? non quòd apud me belluinus humano sanguis pretiosior esse possit, sed quòd eos, quibus funditur, eosque per quos profunditur, bestiis ducam brutisque viliores. Video, exanguem iam, ac propè exossem superstitionem tuam sanguine si minùs inirentes eius venas infuso, ex alienis saltem largiter effuso, sancire ac reparare vis? Hic Maximino umulabatur ira cor; & odio simul & amore creditus vtri potius indulgeret, vtri resisteret, nesciebat. Vicit amor in præsens, sed aliquando, brevisque vincendus, & à beneuolentiâ & comitate cepit, ut more suo in furorem defineret, furor illum incitaret, vtrúmque Catharina superaret, auditijs ergò congressus tyrannum premebat, præ se ferret patrem; tegebat hostem, ut amicum, atque aded fratrem simularer; ad oscula nasus inuitabat, ut rictum & dentem ferox aperprimeret: sed in virgine virum, in puellula pru-

dentiam plusquam senilem, in delicatula ætate robur & rigorem expertus athleticum, prima impressione victus est tot palmarum & victoriarum imperator. Itaque pudori magis suo, quàm virginis consulens, publicum probri plenus deprecatur; & per occasionem redintegrandi sacrificij, vires animúmque redintegrare meditatur. Macste animo pugil olympica, veriùs quàm olympionica, quas non ad incitas hostis adactus est, cum sponte interpellat inducias? impulisti, vertisti primo impetu, expelles, vt confido, & euertes extremo: sæpe tamen pugnabis, vt interea sæpe vincas, & sæpissimè triumphes. Producta patris è regia in imperatoriam aulam, eadem felicitate, parique facilitate profligat apud aulicos luxum, quàm apud aras superstitionem afflixerat; sed impressione diuersa. Tyrannus enim in scenam ingressus, irámque dissimulans, quò maiori specie subornaret amicitiam, verborum humilitatem oris & vultus humanitate contestabatur: ad utrúmque virgo facta, lapides & spinas parata erat excipere, cum rosis & mulso se ingemuit acceptã. Sed neque mulceri blanditijs, neque deliniri voluptatibus illa potuit, quæ, relictis luxui rosis mulsoque voluptatibus, spinas sibi solas è sponsi supellectile ad ornatû, vt ex eius mensa fel & acetum exquisitum in liquorem excerptserat. Inuitat in primis ad exigendam ætati debitam mercedem è corpore, voluptatem tanquam in illo vigore residem fortunæ prurigine sollicitans:

nec minoris eius formam, quàm toto terrarum imperio licitatur. Faceſſe leno importune, impuros & emiſſitios ab hoc ore oculos: ſanguinarias ab hoc corpore manus abſtine: demiſſum cælo munus, non ſatis vniuerſa terra æſtimatur: cælorum ad hæc imperatori indiſſociabili puella iſta matrimonio collocata eſt, cuius tu te verbo procum proſiteris, vt quod re ipſa eſt, amicum & adulterum tegas. Alienam ambit ſponſam amens, & ſuam nescit diuortium à ſe Diſſque ſuis meditantem, longè maximum longèque optimū ambire, pronuba etiam atque internuntiā Catharinā, maritum. Quòd ſi adhuc impurus ille dubitat cuius hæc ſponſa ſit, profer nupta cæleſtis annulum, quem tibi demit ille agnulus in digitum? Thalamum, ſi quid aliud quærit, indica, communem virginis matris ſinum: Fœcunditatis pignus eſt certiffimum hic vterus inexpugnabili integritate circumnullatus: fides ipſa, ne quid vltra vacillet, fidem noctis eius faciet, quæ vbi priùs cæco illuxiſſet animo, his nuptijs cæleſti face præluxit. Caue propterea ſilentio & nocte factas furti nuptias inſimules: ſilentio ei nubendum fuit, qui dum omnia ſilerent, natus eſt. Ad ſpes prætereà magnas, ne nullum telum experiatur, vocat: verū vix ſpes lactet eam, ſi paratæ ac præſentes opes prolectare nequiuerint, neque diuiſum & beneficiarium imperium ineat, ſi regnum iam totum, & hereditarium aſpernatâ ſit. Neque putes iccirco degenerem. Capit terrarum imperium cæli capax

Catharinæ animus: nec modò regnum & imperiũ  
ambit virgo regia è stirpe progenita, sed suis etiam  
factis expectat; sed quod duplici simul nomine ti-  
tulòque possideat, sponsæ nimirum ac filix, esto  
adoptiux? vna restabat machina, Deos ei plures,  
vt ab vno deficeret, probare: malè tamen hæc ipsi  
pugna successerat: hominem insuper iam inferiorẽ  
publicè, priuatim experiri ratione cum femina pe-  
riculosum videbatur: quid agat hoc rerum articulo  
magis etiam animi, quam rationis impotens impe-  
rator? suæ diffidens, alienam sapientiam arcessit.  
O consiliũ ab ipsa sapientia fatuum! dum domesti-  
cæ insipientiæ notam laborat abstergere, publicæ  
sibi stultitiæ aspergit infamiam. Satiùs erat, minús-  
que pudendum imperio cum puella imperatorem  
ratione decernere, præsertim cùm nec sexus, nec  
ætas, sed causa vinceret, quàm ab eadem lycæum  
totum, atque porticum argumentorum pondere  
profligari. Pròh Deus immortalis, quantum hæc  
vna puella, vel quàm parùm tot philosophi sapien-  
tiæ conditum habebant in pectore, qui se tandem  
ad feminæ sapientiam desipere professi sunt! vnus  
sapere vt disceret, sufficiebat Augusto philoso-  
phus; Maximino quinquaginta non sufficiunt: his  
quippe consilio & ratione ponentibus errorem, in  
eodem se ille figit obstinatius: quasi pudeat verita-  
tis habere condiscipulos, quos honorificum esse  
duxerat magistros vanitatis adorare. Causam om-  
nes ad vnum scientia vt ætate prouectũ detulerant:

sed cùm is multùm loqueretur, saperet nihil, imò mendacia figmentis farciens per omnes pœtas infinita quadam serie vagaretur, nec tot hominum suffragijs vel vnius Iouis apud Catharinam diuinitatem obtineret; Catharina contrà diuinæ prudens & perita legis, adeò manifestè reiiciebat inanes, adeò clarè gratiosèque verum apud omnes disputando prouehabat & euincebat Deum; vt secundùm ipsum aduersarij licita præuaricatione pronunciare, quòdque magis palmarium est, recentem flagranti igne religionem sancire non dubitarent, ac veritatem constantiamque dogmatis non fœcundatæat ipso, sed toto auderent incendio experiri: Si quidem Maximinus, cùm emendicata aliunde sapientia, insipientiam suam hucúsque laboraret inducere, apertè nunc professus insaniam, ignem, vñtatà scilicet amentium arma expediuit. Parum tibi fuerat, Maximine, stultè sapere, nisi ad cumulandam imprudentiam, impudentiamque, stolidè quoque insanires. Falleris, si putas hac flamma incendium, vel hoc incendio flammam extinguì: horum tu quidem corpora succendis: ac cogita quàm multò plurimum animos ad eandem fidē accendis? isti tanquam faces quædam ardentes & pellucidæ alijs ad veritatem in profunda & mediz erroris nocte prælucebunt: Tyrannorum enim incendijs Christianorum fides per se alioquin obscura mirificè collustratur: adeò vt hic solus ignis ingenium & naturam refutans aliorum, prodigiosè

fœcundus sit: hi cineres dissipati, ventilatque coalescant, & massam efficiant vnde farina excernitur, panisque pinfitur quo aluntur ac fouentur omnes vitæ cælestis candidati. Malè ergo tyranne imperas eorum cineres in ventos ire atque faceffere, quorum memoriam & religionem abolitam & radicitus extirpatam cupis: non enim perinde cineribus ac sale seminatur. Ignoras, credo, agros quantavis sterilitate damnatos hoc longè melius, quàm aliò quouis fimo ad inuidendam frugum copiam stercoreari? hoc te læta Christianorum seges, quæ domi tuæ proximè, quæ in aula quæ in thalamo tuo generosissima sobole germinatura est, nolis velis, edocebit. O rogos non ampliùs funebris, sed natalis, nec ferali cupresso deinceps, sed victrici potiùs lauro accédendus. O ignis, ô flamma ipso sole lucidor, quæ consumptis corporibus ad animum vsque mirabili tuo splendore pertingis! at neque ad illum ignem solui potuit Hircaniue rigidior illa immanitas: adeò enim vultu toto Maximinus expalluerat, cùm præcordijs intinxis vreretur, vt ad illud incendiũ, quo ardebant quinquaginta, vnus ille colore variare nesciret, nedum accendi, aut illustrari; verùm quoniam in propria non potest, in aliena pelle saltem erubescet, aliò non multò post igne succendendus, at nequaquam aliquando illustrandus. Virginem, ô pudor! ad vibices nudari iubet, expeditos valentèsque lorarios tãquam agitas è cauea feras in eius corium virgi-

neum immittit: sed leuius armatis eorum manibus, quàm emissitijs, impurèque vibrantibus impurissimi lenonis oculis virgo nudata vapulabat. Interim pudore, nescio, an horrore magis auersus spectator frequens auolabat: ipse tamen quem sitiebat animo cruorem oculis hauriebat: quin etiam ipso ore ( sic atrox bellua imminebat lanienæ ) prope modum glutiebat: neque adhuc ad tam pudendū spectaculum homo impudens erubuisset, nisi stagnantes profluuiis sanguinis imbres in eius vultum stillas forte aliquas impluissent. Huc numerò accurrite, huc aduolate beatæ mētes, & hunc famulæ, vt Domini quondam pretiosum liquorem excipite: cecidit enim, cecidit in sterilem locum, cautēque durissimam sanguis Martyris, sementis nihilo-feciùs Christianorum frugifera. Sed vt iste perierit, saltem qui cecidit in terram, seminosos in ventum irrigabit, diluētque philosophorum cineres, qui sine tali humore coire nesciissent. Candor ille virginæ cutis solo colore marmoreæ, eunte riuus cruore purpuratus, Liliū in Rosa natans adumbrabat: quasi ad se sponsa sponsum suum vicissim velit inuitare: iam enim in eius, vt in sponsi solo flores apparuerunt. Quod si hyemem nondū præteritam, aut nondū exsiccatos esse imbres excusaue-rit, est hyems ista florea, imbérque sanguineus, quo ipse non sine prodigio pluit, & hortos irrigauit aliquando. Continens multarum horarum car-nificina, pelle cribro crebrius perforata, ossa nuda,

uerat: iamque manum se perdere, & cum virginis sanguine vires suas exhaustas virgator lassus querebatur; itaque obrutam loris, plenamque verberibus onerat ferro, tenebrisque, & carcere damnat eam, à qua in lucem & libertatem ipse, licet auro radians, orbisque Dominus vindicari potuisset. Cohortem hinc ei militum apponit, ne quid ad ornatum, vel potius ad pœnam deesset: tale nimirum decebat puellam regiam Gynæceum, aulæ videlicet simile, neque dissimile Maximino. Ad quid hæ tandem excubiæ? forte ne tentet inde fugam, quæ hostem vltro prouocabat? Forte ne medicas ad plagarum curam manus admittat, cui mori dulce sit atque salutare. Plusquam Spartanum virginis animû est suo homo timidus & voluptarius æstimat. Age verò, quid triumphum non expectet, cum ad prælium sponte ipsa processerit, imò præcesserit? Manus illa quidem admittet, at admovente te, non ad medicinam; sed ad plagam: quanquam, si rectè suspicor, pompam ei atque comitatum ad triumphum, non autem præsidium & custodiam assignas. Ita est, custodes captiua fefellit: fallor, non fefellit: vanissimi tantum imperatoris sacramentum ab eis imperatoris fide longè sapientissimi repigneravit. At coniecit in vincula? fateor, vt turpi reliquos, qui sibi liberi viderentur, seruitute solueret, arctiusque Deo colligaret. Habet ergò quibus triumphum exornet. egregia triumphatrix sapientes, habet milites, mox Imperatorem habitura; hostem  
scili-



scilicet armis confilióque, vno prælio, vno strata-  
gemate spoliavit: ego tamen quod in præcipuam  
triumphi partem, pompámque deputo, adhuc non  
aspicio. Vbi ergò, qui præcedat in curru, quémque  
modò pollicebar, deuictus eius armis, & auro vin-  
ctus imperator? nec hoc ipsum deest: mox saltem  
subit iugum imperatore Maximino maior impera-  
trix. En vt, quem nunquam forte Maximinus, ipsa  
ducit exercitum? aduolat cum Porphyrio & mili-  
te in carcerem, excitata non ambizioso volatu præ-  
euntium Romanis in signis Aquilarum, sed mirabi-  
li splendore columbæ diuina luce fulgurantis. Est  
hoc prælij genus inauditum: eò vulnus acceptura,  
non datura venerat eximæ animi fortitudinis im-  
peratrix: ibi Romani imperij insignia positura, splé-  
nidáque orientis sceptrá probrosa christi cruce mu-  
atura, vt arbitrio clientæ nutúque seruiret in post-  
rum, quæ tot annos gentibus infinitis imperasset.  
) vera iam, si ita est, sed longè amplioris & diutur-  
ioris imperij imperatrix! dubitas prophana su-  
perstitio, dubitas? imperij nomen audis, omen  
non vides. Miror: nullú clarius dari potuit. Obor-  
s enim est; abortus, inquam, imperatrici nostræ  
ncubia nocte sol, & Catharinæ corpus, & huius  
vul mentem vno radiorum coniectu illustrauit  
veritatem, vno diuini amoris ictu sauciauit ad  
item. I, nega plus viro sapere feminam? ista vi-  
in tenebris, quod in sole non potuit aspicere  
ritus. Nihil agit (vel omen fallit) nihil agit

Maximinus: nunquam sanè expugnabūt eam, cui cæli castra, astræque militant: nunquam tenebris offundat erroris illam, cui sol vno tempore geminus illucescit. Catharinā ergò porrò laceffere, hoc est non lunam quidem, (vt est in prouerbio) verū solem ipsum canina plusquam rabie casso hiatu allatrare. Fame vellet quam ferro nequit conficere; proinde multorum dierum aggressus inedia irritare, edendi rabiem non poterat, constantiam prouocabat: patientiam acuebat, exstimulabat fidem. Res mira, nec tamen insolita! militi suæ strenuè præsidium obtinenti panis quotidie castrensis aderat, diuinum cælesti ab imperatore congiarium: eadē plane via cōmeatus in fame, qua sol in nocte perrupit. Qua de mensa eiusmodi ferculum missum sit, aduertitis; qua demitti potuerit non videtis. Commeabat ad illam columba columbulam, æquali atque ad Danielem in specu vates ille prodigio: inde ille denique Catharinæ per auem procurabat cibum in carcere, vnde solitarijs in nido auiculis solitus erat prouidere. Sic igitur Catharinæ famē leuare decebat Deum, sic dedecebat prouocare Maximinum. Nam quis vnquam Theatri magister aut munerarius auditus est, ijs quos feris laniandos vellet obijcere, ante deducto, vel negato cibo, corpus adipemque detrahere? scilicet iste cū plurima prædæ sagina bestiarum famem deberet acueri, aduocato per longa ieiunia inediāque macrōre retundebat. Sed nihilo melior faber, quā

lanista, exemptam carceri victimam, cum pinguem & nitidam post imperatam dierum duodecim inediam, & recentem etiam, integrâque post tot impositas plagas aspiceret, noua & stupenda Phalaridi machinatione fabricatus est rotas quatuor, gladijs præfixas vndique acutissimis: in quarum vnam triûphaturâ Catharinam imponderet; & quæ, dùm reliquæ torquerentur, minima conuersione mille gladiatorum mucronibus figendam, frustratimque concerpendam obuenteret. Benè habet. Triumphifercula reliqua, pompâque Maximinus instruxerat: nunc tandè currum ipsûm rotis quatuor impositum adornabit. Hinc procul, si vobis consultum vultis hostes: nam si tantam stragem ex equo, inermisque pugnans imperatrix nostra dedit, quanto maiorem iam in curru sedens, armatâque gladijs & triumphans dabit? Miserum vulgus, atque insipidum, adhuc sub ietu est: admonebo iterum periculi, si per vos licet, auditores: facesse, facesse, inquam, spectator alieni sanguinis auide, prodige tui; hi enim, si nescis, in te gladij districti sunt: hi tuum in alterius intenti iugulum mucrones petunt: quod ab alijs expectas, dabis ipse de te spectaculum, eique quanquam cruento atque miserabili, maiori præludes. Hæret etiam spectandi studio: non credit, non audit, non timet vnde certa mors est; timet vnde certissima salus est affutura: Illius ergo periculo sit, sed nostræ, Catharinæque securitati. Nesciebatis Alexandrini, domum esse ful-

minis Alexandriam? icta est statim de cælo machina, & in partes distracta Catharinam misit innoxiam: Ceterorū proh dolor, quantam turbā afflixit! nullum quippe telum tam denso spectatore irritū erat: ictum præsertim certa de cælo manu, quam obscura collimante: nisi peritum, cūm ferire vult, iaculatorem inficiaris Deum. Spectaculo similis de repente plausus datus est: theatrum quātum erat, totum ferali diu lessu, nēniāque reboavit: multique subinde, non vt in triumphis licentiam militari scurræ triumphales, at seriō sua imperatori facta non posteriore, sed anteriore sanna ingerebāt: quod illi eō placebat minū, quod tantū abest, vt aliorum ipse more triumpharet, vt ipsemet triumpharetur. His siue probris, siue furore succensus, vilis plebeculæ sanguinem regali atque adeò imperatorio, aliena probra pudore domestico expiare Maximinus accingitur: submittit enim quī coniugi & Porphyrio, ducentisque pariter prætorianis funestam securim iniiciat. Thoro Christi, inter flagra misso Catharinæ cruore, non pepercerat, & miramur eum non parcere suo? Tragœdia tota peragenda est, spectatores eruditissimi, sed simili atque cœpta principio est, exitu terminanda: Vltimæ partes Catharinæ sunt, & meritò: quia eius primæ fuerūt. Huc oculos, spectatores: huc aures auditores: procedit in theatrum secundum imperatricem Regina, ortu, inquam, Regina, sed tam glōrioso exitū, tot rebus præcla-

re gestis augustissima imperatrix, quali, Deus bone formâ ! qua maiestate ! qua constantia ! Admiramini ? ceruicem gladio nudatam erubescitis ? toli se gladio nudare virginem conueniebat. Erecta corporis mole stat; obstupefcitis ? nûquid non flantem mori tantam decebat imperatricem ? inficiamini eam quidquid habebat sanguinis in sponni causa exprompsisse ? lac é plaga fluit: vel certe quia tot sponso filios fœcunda mater, virgo tamen pepererat, turgētibus vtrîque mammis lac toto corpore fustum ad vsq; colla restagnauit. Illicet, spectatores, illicet: dimittit cum vita Catharina coronâ, quæ suas magis pugnas, triumphosque spectatum, quàm incômptè à me expositam rei gestæ narrationem auditum accurrerat. Victrici ergò, triumphatrici Catharinæ, si minùs mihi plaudendû existimatis, plaudite: mihi verò sacrum funus, vt corpus attingere religio est, religiosiùs à sponso, eiusq; affecis atque principibus, quàm vestris aut meis manibus efferendum. Hactenus ego: reliqua diuini oratores & funeratores cëlites, audite, si licet, perorabunt.

Dixi.





# VINCIT SINE ARMIS

MILITEM.

POEMA.

**Q**UO nova se belli facies, mutataque vertant  
Signa, coronatâ quid agat testudine miles,  
Quidne minor castris, struat his Maxentius  
armis;

*Virgo inuicta doce. Quid enim te armatus inermem  
Excipit, aut tenebris victricem in luce coercet?*

*Quid te presidio, quid carceris obsidet umbra  
In plagas, in ferrum, ignesque & certa ruentem  
Supplicia, atque aquilas rapientem in praelia victas,  
Hoc socia arma vocat: de castris sola triumphas,  
Nil minus armato mox congregieris inermis.*

*Parce metu, languent victo duce militis arma.*

*Ille quidem indomitam castris, tentauerit armis,  
Victricisque dabit, sed frustra in vincula palmas:  
Vincta plagas abrumpet, inermisque arma refringet,  
Excipietque plagis, atque armis exuet hostes  
Imbellis virgo, venietque hoc robur olympo.*

*Sicut enim aucupio & telis captare fugacem*

*Venator pradam opperiens, aut retia sylvis  
 Explicat, aut celeri pertentat arundine ceruum,  
 Iamque plag. i fera, iamque ictum frustrata jefellit:  
 Ille acri saltum cane, praesidióque coronat  
 Impiger, & longa obsidione fatigat ituram.  
 Sic totis Caesar frustra ut se cingere castris,  
 Inuictámque videt non equo Marte puellam  
 Et ridere graues, & sponte laceffere pœnas,  
 Porphyrium vocat, obscuráque voragine mersam  
 Obseruare specum vigilantibus imperat armis.*

*Nox erat, excubisq; fiequês iam miles obibat,  
 Cum propria locus ipse, & noctis inhorruit umbra:  
 Horrorem offusa ingeminât hinc inde tenebra.  
 Interea claris Catharinam ardoribus ambit  
 Lux illapsa polo, mediáque in luce refulsit  
 Aliger, & dextra latus, atque hac virginis aurem  
 Pulsat voce. Sopore iaces, aut fracta fatiscis  
 O virgo, tam cara Deo, quàm inuisa tyranno.  
 Vsq; adeóne riges, aut sensus deficit agram,  
 Omnis ut exciderit dolor, & secura futuri  
 Carnifices & vincla inter, gladiósq; quiescas?  
 Nec te dira fames, nec carceris excitat horror!  
 Quidquid idest, seu victa sopor per membra quietem  
 Insiuat, vinóque riges habetata dolore,  
 Surge, meósq; pati, virgo licet, incipe, vultus,  
 Et sponso iam visa, & nota agnosce ministrum  
 Aligerum, sponfique tibi mandata ferentem.*

*Finierat: mox viuifica de pixide prompsit  
 Indaisque, Syrisque inuisa opobalsama, Medisque.*

*His*



*His plagas rigat aspergens: caro florida tabo  
Succedit, cute nativâ pratenta cicatrix:  
Plaga adeò nullâsque notas, aut signa reliquit,  
Vt ferro tactam nullo aut vibice putares.*

*At virgo mentis cum voce receperat vsum:  
Et nitidam mirata cutem, & deleta recenti  
Vulnera pelle: o de cœlestibus, inquit, Ephœbe,  
Nâmque mihi lux hac ut te circumflua talem  
Arguit, & fractis color & caro reddita membris?  
Quò me sancte vocas? belli si quidem affore finem,  
Quâ sponsus lauat Aethiopem me nocte, canebat.  
Hisne armis iterùm transfigar inermis, & arma  
Nulla paras, aut tela vides, dùm cingitur armis,  
Restaurâtque recens fracto duce prœlia miles?*

*Hæc ubi quæstia, refert sic contra nuncius ales.  
Non alia hæc, ô virgo, petunt certamina tela:  
Hac cadit armatus pugna, sed vincit inermis.  
Fregisti tumidum sine castris sola tyrannum,  
Et nunc arma petis? quid, scilicet arma veteris  
Militis, aut oblita ducem vicisse, tuîque  
Aut ignara animi, aut superiùm virtutis egenæ?  
Vulneribus quanquam quo pluribus ipsa patebis,  
Hoc maiore tibi cedit victoria palma:  
Atque his, ne dubita, tibi militat inscius armis  
Porphyrinus, decorâtque tuum captivæ triumphum  
Regali cedens ultro regina cubili.*

*Dixerat: auratis resplenduit ocyûs alis  
Alba columba, pedesque stetit se virginis ante,  
Languentique cibum rostro præbebat adunco,*

*Demissum calo panem, annonamque reponens.*

*Carceris illæsa se fornice dius in altum  
Aliger extulerat, luxque eluctata per umbram  
Obscuram, ambrosium late spargebat odorem,  
Vincebátque fores, ipsamque ferebat in aulam.  
Non tanto diuorum ara splendore coruscant,  
Sacrilego cum vana Pharos succenditur igne:  
Nec tam fragrantés tollebat in aëra fumos  
Thure vaporati nidor Jouis, omnis in orbem  
Aegyptus positas ubi supplex ibat ad aras.*

*Forte locum furto captans regina, fidelem  
Nacta via comitem, Catharinam audebat adire  
Per tenebras, & iter nox ipsa in luce regebat.  
Porphyrius comes ipse aderat, studioque videndi  
Ambo ibant. Præmum positus ille astinuit armis:  
At regina diem plenum ut suspexit in umbra,  
Procumbens humili captiuam voce salutat,  
Atque exosa deos, Christumque amplexa, liquore  
Lustrari sacro petit, & genitalibus undis.  
Idem omnes incessit amor: cum milite ductor  
Certatim properant regi se addicere Christo:  
Eiurantque Deos, & Zonam atque arma recingunt,  
Præmitia belli felices. I, pete posthac  
Arma quibus victo pugnes Catharina tyrannos  
Aspicias, armatus miles tibi cedit inermi:  
Et castris sine dux, miles sine vincitur armis.*

VINCIT  
SINE PALLIO  
PHILOSOPHOS.

ELEGIA.

**A**LTERA si possitis victoria queritur armis;  
Si mouet imbellis praelia prima pudor:  
Jamque furor castris, & vis succubit in armis,  
Virginea cedat tertia palma stola.  
Pompam quippe noui sapientia vana triumphis  
Ducit, & inspidos fercula longa sophos.  
Frustra castra mouet, frustra admonet arma tyrannus,  
Ista decet fortis praelia mento geri.  
Sola triumphatas agit hoc certamine turmas,  
Et ruit armatos nuda puella viros.  
Ergo animo minor, ut quaesito nomine maior  
Maximus, adscita posthabet arma toga.  
Damnataeque foro mutari poscit arenam,  
Atque manu victos, asserit ore Deos.  
Sed quoniam tardusque manu est, atque absonus ore,  
Cogit inaniloquum toto oriente gregem.  
Flicet, emisso se porcius ipsa bysao  
Miscuit, & socias rumpit ad arma manus.

*Sed iurata tuas, ô virgo, rumpere vires,*

*Ipsa suis retrò viribus acta cadit.*

*Argumentoso qua vana sophismata nexu*

*Impedit, Aegioco natio plena Ioue,*

*Ocyus expedies, & inanes cum Ioue diuos*

*Damnabis iusto scilicet interitu.*

*Ausa est mortales in calum inferre penates,*

*Et colere omnigenas turba prophana feras:*

*Thure nec erubuit lapides incendere, nec qua*

*Accensis fumant arida ligna focis.*

*Ista superstitio sibi semper credula finxit*

*Numina, vel falsis nomina numinibus.*

*Hac te, virgo, decet ratione reuellere monstra,*

*Et nitidum victâ reddere nocte diem.*

*Ecce coronatâ sophus ordine plurimus aulâ*

*Ostrepit insulso tinnulus eloquio:*

*At pudet iniusto decernere marte, puellæ*

*Tantos turpe vetat conferere ora viros.*

*Et nisi presentis fera Caesaris urgeat ira,*

*Hac tacitè quærat cedere militiâ.*

*Nam qua, inquit, spolia ex isto præclara feremus*

*Hoste viri, magno quem superasse probro est?*

*Si superasse probro est, pugnare iniuria certè*

*Maior erit, quin hoc Iuppiter hoste cadat:*

*Atque impune cadat: tantam impetus iste ruinam*

*Si dabit, & celsos trudet ad ima deos.*

*Scilicet hoc superos tangat, si femina garrit,*

*Aut cœlo intentat, cum nequit arma, minas.*

*Talia iactans, leuiter quasi velitet, armis,*

*Vanum credibile est verba dedisse sophum:  
Atque manu barbam mento mulsisse iacentem,  
Et nutasse graui saepe supercilio.  
Nam collecta sinu tam multo pallia rugat,  
Lapsas ruga secatur quàm numerosa genas.  
Natiuo contra suffundens ora pudore,  
Aduocat expertam miles inermis opem:  
Et regalis humum verrens in firmate palla,  
Ibat composito regia virgo gradu.  
Hostem non aliter venientem sustinet hostis,  
In sua se ut primo colligit arma pede.  
Quin nisi iam primas progressus iecerit hastas,  
Submittit meritas cui sua turba faces,  
Audeat ipsa sophis contuerre prima superbis,  
Mentitumque probris mille onerare Iouem.  
Sed levis, & nullus tanti fuit impetus hostis,  
Totus enim in vanis constitit ominibus:  
Totus in augurijs, anibusque & pinguibus extitit.  
Hincque fidem sacris adstruit, unde ruit.  
Pronocat ad vates, & nugis vincere pugnat:  
Deficit hic tumidum causa, locusque senem.  
Quò tua causa loco est, o Iuppiter, & tua Pluto,  
Quam ratio atque cari destituere sophi?  
Hic animo pugnam Catharina ingressa virili,  
Captantem ipsa suos impedit in laqueos,  
Haret enim, facilémque senex nisi habere receptum  
Sors dabit, infami querat abire fugâ.  
Iamque Deum inficiata greges, & inania sacra,  
Intulit vnius sacra verenda Dei:*

*Cuius & in leges cum victo tota magistro*

*Ausa est abiecto porticus ire Ioue.*

*Pone stolam victrix, palmatamque indue vestem,*

*Tuque puellarem sume tyranne stolam:*

*Esto virgo animis, sit maior Maximus armis,*

*Sed tuus & miles, duxque triumphus eant.*

*Ante sophos & marte duces tibi vincere, bellum est;*

*Imo marte sophos vincis, & arte duces.*


*Palliolo atque sophis mars est concurrere, inermem*

*Sed bona in armatos ars erat ire globos.*

*Vince sophos sine palliolo, sine milite castra:*

*Esto stola miles, sed sophus in tunica.*





V I N C I T

S I N E C O R P O R E

T O R M E N T A .

O D E .

**Q**UID *ducem sine copijs,*  
*Quid armis sine militem,*  
*Quid sophos sine pallio,*  
*Expugnasse iuuaret?*

*Nisi prouocet ungulas,*  
*Nisi scandat equos, nisi*  
*Acritorta rotâ, nisi*  
*Vitam finiat ense.*

*Et sit integra ab ungulis,*  
*Et supersit equis, ruens*

• *Impet-*



*Impellátque rotam, & fero  
Cadens ense resurgat.*

*Est in corpus hic impetus:  
Victor est animus quidem,  
Sed non est animo satis,  
Nisi corpore vincis.*

*O quod corpore debili  
Delicata puellula,  
Pœnarum excipies onus?  
Quanta mole fatisces!*

*Audis ut focus ardeat?  
Sentis ut rota differat?  
Vides ut gladius micet?  
Situm carceris hauris?*

*Non hinc finis erit; pluent  
Hac & uerbera copia,  
Hoc & pondere, quâ ruit*

*Mole atque impete grando.*

*Aratam aspicio cutem,  
Et vibicibus vlmeam:  
Latus lampade torridum,  
Plumbo liuida membra.*

*Nec te promet ab horrido  
Ante carcere, quàm sit  
Irritauerit & fame  
Maximinus atroci.*

*Hec te despicere omnia,  
Et maiora pati est opus:  
Hâsque in corpore vincere, &  
Absque corpore pœnas.*

*Nam quis mole ferox gygas,  
Figurâque tricorporis  
Quis Antaus & Hercules?  
Quis hoc gutture Stentor!*

*Quem non hæc rota differat?*

*Quem non ignis hic ardeat?*

*Quem non hæc lacerent flagra?*

*Quem non hic secet ensis?*

*Non ceruicibus excetra*

*Septem flammea pullulans:*

*Aut occumbere nescius*

*Unda locus Achilles,*

*Huius fulmen acinacis*

*Declinauerit, aut pede*

*Tot & tanta receperit*

*Absque vulnere tela.*

*Non si pectora triplici*

*Aere cinxerit, & cutem*

*Incrustauerit igneo*

*Cocta caute cerauno.*

*Illum casside Mars regat:*

*Pallas muniat Aegide;  
Pollux cestibus induat:  
Armet Telephus hasta.*

*Hoc & pondere corruet,  
Hoc & robore concidet,  
Hoc & corpore vulneri,  
His patebit in armis.*

*Heu, iam verbere carnifex,  
Et toto insonuit flagro!  
Armatum gladijs rota,  
Strictus mucro coruscat?*

*Quantus sanguinis it latex!  
Quot in frustra caro volat!  
Pellis iam nihil est foris,  
Nihil sanguinis intus.*

*Ah, dehiscis in intima  
Tortor viscera! quin manus*

*Ergò & vulnera sustines,  
Vulnus est caro tota?*

*Novis, barbare, si potes,  
Locum quere doloribus;  
Novis quare probris; novum  
Quare in corpore corpus.*

*Nam quod vulneribus patet  
Undiquaque perennibus,  
Corpus non voco, sed suo  
Absque corpore corpus.*

*Et quanquam cute floridum,  
Quanquam carne sit integrum,  
Non his viribus, hac ferat  
Hos etate furores.*

*Quid ergò excutis? audio,  
Emissarius hic locum  
Probro capiat, & aliis*

*Nictu, quàm ferit ictu.*

*Hac hac nempe acie impudens,  
Hanc impune feris; timet  
Tales virgo quidem, & fugit,  
At numquam excipit ictus.*

*Hæ sunt quas sine corpore  
Pænas vincere virgines  
Solent; nam sine corpore  
Ipso in corpore viuunt.*

*Sed quanquam nihil est loci  
Lapsa carne recentibus  
Pænis, verberibus; probris  
Nondum tota litauit.*

*O tenerrima virginum,  
Sed fortissima martyrum,  
Aude, quod superest, rotam,  
Aude admittere ferrum.*

Victimarius hanc tibi

Aram mysta ferox parat:

Non hanc, quidquid aget, tamen

Te mactabit ad aram.

Triumphas latro, & innocens

Eheu, tollitur in rotam, &

Uni tot iugulo immines

Mystes impie cultris!

Bene est: sustulit in rotam:

Ipse scilicet è rota

Petitus cadit, in rota

Victrix virgo triumphat.

Audin' fulmineo ruens

Ictu dissiluit rota?

O quantum implicat hostium!

O quos audio fletus!

Macte, vincis io pugil,

*Falcatâ inueheris rotâ:*

*Hostis mordet humanam, & tuus*

*Plaudit æthra triumphis.*

*Vincis, sed sine corpore*

*Iaces truncas vides, sacrum*

*Tortor in caput impium*

*Stringit ferreus ensem.*



## LECTORI BENEVOLO

ISTERON-PROTERON.

**M**ULTA, opinor, in his duabus  
 exercitatiunculis præpostera nota-  
 ueris (accurate Lector;) quia hîc etiam  
 omnia festinata & præpropera. Hoc ip-  
 sum, quòd te posterius admoneo, cùm pri-  
 mo in limine admonitum & salutatum  
 oportuerit. Quæ iccirco venia magis tua,  
 quàm censura, uel inuidia digna Mira-  
 bere potius, cur ego ternionē vnum, quem  
 primum premere debueram, hîc rursus  
 euulgarim. Voluntatem id postulantis,  
 & pene flagitantis Academiae vnius uni-  
 uersæ interpretatus imperio, malui nomi-  
 ni meo cedere, quàm decedere obsequio.  
 Quòd verò denuò excuderem, & bis (ut  
 aiunt) ad eundem ne hoc quidem peccatū.

meum est, sed semper alienū. Nam quod mihi hactenus auctoritate imperatū erat, nunc amicitia impetratum est: dignum & hoc indulgentia, ut alterum venia. Et sanè plus apud nos interdum valet officiū, quàm obsequium. Adde quod is qui à me id enixè petiuerat, exigere poterat, & solus instar multorum erat. Excusaturus tamen eram, si minùs recusaturus; sed coram non poteram, nec in tanto locorum intervallo debebam. Denique omnia quæ prioribus typis exierant, distracta fuerāt, aut dissipata: nec mihi vel vnum à tam multis exemplar vendicare poteram, nisi forte detritum illud & lacerum. Neque, ut à mendis omnia suis absolvisset Calchographus, adeò aliunde innoxium erat vllum, ut ad tuum tribunal ire vellet, quin meo ante se sisteret, ex eoque ad te tantillò emendatius castigatiùsque rediret. At de eodem, inquires, etiam argumentò? Scy-

lum, audio, vertis & immutas; versus  
tamen & orationis formam eandem tenes.  
Hoc quidē aliquid habet varietatis, nihil  
verò, vel certē parum nouitatis. Dictionē  
(erudite lector) mutare potui, consuetu-  
dinem abrogare non potui. Quis enim ego,  
quantillūque sum, vt tanta tāmque sa-  
pientis Academia decreta rescindam?  
Hæc cū nostris, cū Collegij Aquitani-  
ci alumnis edixit, vt in adæ Carmelitarū  
oratione, poematio, elegia, & lyrico Christi-  
ana Palladi Catharina annum Pæana  
pro solenni hymno, conuocatā, & in vfi-  
tatis Magisterij symbolis audiente Aca-  
demiā, è pulpito dicant, idque ad dignita-  
tem inter sacra, ad emulationem alternis.  
Formā tibi, vt rationem vel oculis capias,  
in vno Programmate exhibeo. Illa vtrobīq;  
vna est, oratio vtrobīque diuersa. Lege,  
vt eligas: elige, vt legas.

SALVE & AVE.

PROGRAMMA.

H V C A S P I C E

L E C T O R,

A C S V S P I C E.

VIRGO VERE VIRAGO

C A T H A R I N A

Imperatori sine copijs:

Militi sine armis:

Philosophis sine Pallio:

Tormentis sine corpore:

*Strenuè congressa,**Viriliter oppugnat:**Facile superat:**Gloriose triumphat.*

N E M P E,

Quod illa olim gessit in terris, repræ-  
sentabunt in æde Carmelitarum  
septimo Kalendas  
Decembris,

*Petrus de Loyac.*

*Ioannes Veyries.*

*Carolus Ferron.*

*Iacobus de Gourgue.*

*Collegij Burdigalensis Societatis Iesu  
Classici.*

Erit hîc, Christi miles, quod audias:  
non deerit quod aspicias:  
immo neque quod  
suspicias.

Feminam auditum accurreras,  
 audies Philosophum. Puellam  
 spectatum aduolaueras: vi-  
 debis virum. Expectabas  
 sanguinem: lac aspi-  
 cies, & in virgine  
 suspicies.

*Hac te huc inaudita spectatum, si minùs  
 auditum excitent; ut quod  
 hætenus audiebas,  
 nunc afficias,*

Imperatorem sine copijs:  
 Militem sine armis:  
 Philosophos sine pallio:  
 Puellam sine corpore:

*HIS ADDE,*

Virginem non modò Viraginem,  
 sed penitus virum.

HVC ASPICE, HOC SVSPICE.

IACOBO BIDERMANO

SOCIETATIS IESV,

POETÆ IN PRIMIS EXIMIO

S. P. D.

LEONARDVS ALAMAIVS

eiusdem Societatis.

**C**VM pluribus de causis ( Iacobe Bidermane, vir eruditissime ) Ioanni Estioto necessario meo multum me debere profiteor; tum hoc nomine vel plurimum, quod tibi ego sim ex eius sermone cognitus, & ex ignoto amicus propè factus: sic saltem ille scribit his literis, quas ad me Roma postremas dedit. Insinuat etiam homo nostri amantiſſimus, tuëque ( vt mihi significat ipse ) studiosiſſimus, de me Romę alijs se quibusdam locutum viris nostrę Societatis eruditis, quasi ega ali-

sophisticas, at sacras, quas ante sex annos  
euulgare coactus eram, typis maioribus ex-  
cuderam, minoribus haud alia de causa  
nunc recudi, quàm vt ad te cōmodiùs per-  
uenirent. Iamdiu enim est ex quo ambi-  
eram, & sanè affectaram, aliquid ad te  
eiusmodi meum allegare; atque hoc abs te  
petere, vt & legere velles, & ceris prater ea  
tuis notare ne grauarere. Pauculos igitur  
hosce versiculos dissipatis quibusdã pagun-  
culis, quàm libello propiores coniēci  
temerè in fasciculum, cùm nihil esset ad  
manum, quod citiùs aut faciliùs mitti pos-  
set. Adde quod Procuratoris Prouincia-  
lis itinere vrgebar, qui in Ul. non. Sep-  
temb. indixerat. Quanquàm eo me deni-  
que Typographi vana fides adduxit & re-  
iecit, vt dùm diem ex die trahitis contrāq;  
Procurator properat, meæ tibi literæ solæ  
redditæ sint: hoc est, ipsum quod commen-  
dabant & offerebant munus, tribus mini-



mum hebdomadis praeuenterint. Habe-  
bam quidem posterioris cura, stylique lon-  
gè maturioris, ac (ni fallor) melioris alia;  
sed quia multò maioris voluminis ea erāt,  
vectura sumptus metuebam: neque te pro-  
fecto volebam qui lautiorē abundares,  
merce adeò mala & obsoleta onerare. Le-  
ges tamen, quaecumque illud est, quod ad  
te mitto, amico animo atque beneuolo.  
Non quod tibi de me, meisque integrum  
iudicium non relinquam, sed ulò enim ani-  
maduertat & seriò moneat velim, si quid,  
quod vel minùs placeat, occurrerit. Verùm  
quia timere poteram ne me tui omninò si-  
milem esse cuperes, & nostra hac ad tuo-  
rum elegantiam, & eruditionē exigeres;  
Ad te tam longo qui adrepimus interuallo.

Ego enim (Bidermane) tua illa in  
primis epigrammata non modò cum an-  
tiquis, cuiuscumque classis illi sint, acumi-  
nis bonitate, nitore sermonis, & facilitate

carminis compono: sed eorum etiam tibi confirmo me legisse neminem, qui tot, tantaque dignitatis, leporis & elegantiae in vnum volumen hucusque coniecerit. Hoc verò singulari, tibi que propria laude dignum semper iudicavi, rara te ac latina, nec à quoquam veterum putide expressa locutione uti: quod sanè fecisse paucissimos animaduerto. Dicam itaque, non mei erga te studij commendandi causa; sed quod tibi noster coram confirmet. Estiotus, me hic iuuentutem nostram ad huius tui libelli verè aurei lectione excitasse ac dedisse etiam pluribus nostrae Societatis hominibus in manus; qui eum mea primùm commendatione studiosè legerunt, tum verò sponte sua lectitarunt, & mirificè probarunt, ac vehementer admirati sunt. Audio te illum centurijs aliquot epigrammatum auctiorum emisisse: gratulor equidem tantæ tuæ ingenij copiae ac felicitati, auctorque sum

atque hortor, ut etiam atque etiam augeas; numquam enim huius generis libr<sup>o</sup>ita crescunt, ut importuni esse possint. Illum mihi sic auctum, unaque Heroum libellū, quem nunc primum edidisti, amicus ille communis magnoperè pollicebatur. Expecto in dies utrumque, & quidem cupidissimè. Gratiores tamen mihi futuri sunt si tuo nomine mittantur; & verò gratissimi, si tantum munus tuis ad cumulum literis ornaueris. Age autem quid tuo illo Ignatij Breuiario factum est? ego ipsum, cum primum apparuit, arripui, osculatúsque sum: quin etiam duodena eius exemplaria totidem amicis latinitatis peritis, studiosisque distribui. Equidem simile quidpiā de Xauerio moliebar, & vicesimum iam caput procedebat, cum hoc tuum in meas manus incidit. Itaque ab eo labore statim auocatus sum non modò similitudine operis, sed maxime praestantia, quam me as-

*sequi posse desperabam. Nihil tamen, hoc etiam amicitiae ingressu, dissimulabo. Quoniam in eo me genere interdum amo, placuit mihi præ ceteris tuus hic libellus: accuratus & comptus erat stylus, ac prope comicus, efficax admodum atque exquisitus. Hoc aliqui in tali argumento minùs probare visi sunt: quanquam & ipsi alioqui suspiciebant. Hoc ad te ingenue & candidè pro celi Gallici natura. Amas tu candorè istum, si ex tuo scribendi genere animum rectè interpretor; meque amabis, opinor, ubi magis ac magis meis ex literis noueris; quas tibi deinceps, nisi molestum erit, ac respondere paratus es, frequentes destino.*

*V A L E.*

PETROCHORÆ, IX. ID. OCTOB.  
Anno M. DC. XXX III.

And he said unto them, I am a Jew, as ye are, and I am of the same city of Athens, and of this temple, which is the temple of the unknown gods, which I say unto you, there is none other, but he that dwelleth in us, and he that liveth with us, and he that is called Jesus Christ. And he said unto them, I am a Jew, as ye are, and I am of the same city of Athens, and of this temple, which is the temple of the unknown gods, which I say unto you, there is none other, but he that dwelleth in us, and he that liveth with us, and he that is called Jesus Christ.

END.

THE END OF THE FIRST BOOK OF THE ACTS.  
THE XXII. CHAP.



